



Landbruksdepartementet
Postboks 8007

0030 Oslo

Dykkar ref.:
2003/00323 MH/KRO

Vår ref.:
868/2003/Arkivnr 331/ OLO

Molde, 04.04.2003

FRAMTIDIG ORGANISERING AV LABORATORIETENESTENE - HØYRING

Møre og Romsdal fylkeskommune har ved brev datert 20.02.2003 fått tilsendt rapporten 'Framtidig organisering av laboratorietjenestene på matområdet' til uttale. Rapporten skisserer framtidig organisering av laboratorietenestene i tilknytning til omorganiseringa av mattilsynet.

Høyringsbrevet legg opp til at laboratorietenestene blir fristilt frå det framtidige mattilsynet, og at marknadsmekanismene skal bestemme prissetting og strukturutvikling. Etter vårt skjønn er dette ein naturleg og nødvendig konsekvens av behandlinga i Stortinget (St.prp. nr 1 2002/2003).

Laboratoria er ein viktig del av det totalte kontroll- og beredskapsapparatet. Det er all grunn til å vente at desse funksjonane blir endå viktigare i åra framover, med større fokus på helse, drikkevann, dokumentasjon av matkvalitet og smittevern. Det er derfor viktig å oppretthalde gode analysetenester som kan fylle behova for publikum, kommunar, mattilsyn og næringsliv.

Fylkeskommunen vil understreke at næringsmiddelindustrien er ein svært viktig del av næringslivet i fylket. Møre og Romsdal er det største matfylket i Norge - målt både i volum og verdi. Kvalitetssikring og dokumentasjon er nøkkelord i ein bransje som er heilt avhengig av tillit i marknaden. Næringsmiddelindustrien må sikrast eit kvalitativt godt laboratorietilbud, med kort behandlingstid. Dette gjeld både oppfølginga av den daglege produksjonen, og kontroll av råvarer og vannkvalitet. Dette er ei spesielt stor utfordring i eit fylke med store avstandar og vanskelege kommunikasjonar.

I den skisserte modellen skal staten først og fremst bidra gjennom rolla som kjøpar av tenester. Fylkeskommunen vil understreke betydninga av kontinuitet, og mulighetene for å



oppretthalde sterke, lokale fagmiljø. Mattilsynet som kjøper av tenester må ha ei bevisst haldning til næringslivet sitt behov, og bidra til at næringsmiddelbedriftene fortsatt kan ha tilgang på gode laboratorietenester i rimeleg nærheit. Mattilsynet må bidra aktivt til å oppretthalde sterke fagmiljø med gode laboratorietenester rundt viktige næringsaktørar.

Fylkeskommunen tar det for gitt at staten tar ansvaret for spesielle analyser som ikkje eignar seg for konkurranseutsetting. Dette er i samsvar med forslaga i høyringsbrevet, jfr punkt 5.2.1 Når det gjeld virksamheita i regi av fiskeridirektoratet, bør vi sjå nærmare på mulighetene for overføring av kompetanse og personell til aktørar som er forankra i tilknytning til dei tyngste produksjonsmiljøa. Det er ingen rimeleg grunn til at oppgåvene skal utførast av eit statsaksjeselskap på varig basis.

Fylkeskommunen er enig i at staten bør ta eit betydeleg økonomisk medansvar for omstilling av laboratoriepersonellet. Tilsette i laboratoria bør få tilsvarande vilkår som tilsette i mattilsynet, og dette kan berre skje dersom staten tar ansvar og går inn med økonomiske virkemiddel. Det er viktig at statlige bidrag blir konkretisert tidleg i det vidare løpet, og at eventuelle tidsrammer for statlig medvirkning blir klargjort.

Fylkeskommunen vil også peike på at kommunane har gjort betydelege investeringar i laboratorie og organisasjon for å ivareta lovpålagte oppgåver. Denne virksamheita må få rimeleg tid til omstilling for å møte ein kvardag med fri konkurranse.

Med vennleg helsing

Ole Øverland

Fylkesordfører